

變

雅

堂

遺

集

變雅堂遺集

詩四

黃岡杜濬

五言律詩

揚州教場寓樓坐月

鼓角竟無聲  
愁人愛晚晴  
寺樓雙眼闊  
煙海一鐙行  
玉笛悽應斷  
銀蟾缺更明  
坐深無歎息  
真想靜中生

樓夕

爲客曾無故  
登樓亦偶然  
古城延落景  
秋草上青天  
野火風吹盡  
平沙月照圓  
馬嘶今夜苦  
歸夢戰場邊

二十夜月

言四  
怪爾江城夜頻頻動玉簫暮煙深似海初月上如潮不  
覺風塵暗彌傷客鬢凋明年春草綠吾擬問嫫姚

家信

不爨邗江日家書報絕糧途窮翻可笑事急豈能忙老  
父思端綺飢兒寫數行出門須作計四顧野雲黃

九月初七夜因圃看月同前民

是夕有歌  
筵不赴

秋月無心甚開林下石渠柳情歸浩蕩煙徑入空虛積  
雪寒何有孤雲細亦除遙憐歌舞處高燭爛庭隅

九日晚集因圃同韓臣作

弦後添明月霜前作好秋石欄分送酒林杪一登樓白

雁初傳耗黃花豈共愁歸心涉江水清絕正東流  
重陽誰卜夜似爲此林亭夕照潛通月光不帶星深  
杯俱皎皎高柳故冥冥坐覺人皆醉疏鐘報獨醒  
佳節思親句尊前咏不忘自從失荆婦誰與製茱囊地  
僻愚兒女天寒信酒漿舉頭窺過雁飄忽不成行  
五年前此地曾已賦霜毛匣鏡今須棄尊罍晚自豪空  
明心萬里飄泊手雙螯仰面青天在知余倚醉號

樓雨

曉雨天霑草蕭蕭牧馬羣鼓鼙喧絕徼部落擁將軍僕  
病炊無術僧慳屐不分兒童生故晚正誦美新文

晴

海角收殘雨樓前散夕陽行吟原草澤醉臥卽沙場騎  
馬人如戲呼鷹俗故狂白頭蘇屬國只合看牛羊

半草亭爲侶黃新居

亭割花谿半乾坤此逕分客應番載酒吾與細論文節  
老經霜菊秋多渡海雲逸妻將令子勝地樂夫君

眞江雨泊因傷亡友金沙于子桓

江路逢秋雨客衣增暮寒眞州山不斷瓜渚酒猶殘歸  
雁寧辭溼蘆花覺自乾故人今宿草回首憶交歡

十月一日晚愁喜家兄方朔過寓齋賞余游什

向夕垂堂坐何人見屢空譙才甘世棄孤調得兄同雁  
唳星辰下霜嚴鼓角中燈前吾先長早作白頭翁

和兄作

此心常不樂暗問亦非愁自有平生事何關草木秋幅  
巾長乞食敝屣遍登樓正爾墳音好將余淚更流

秋日同靜能前民上雞鳴寺後湖亭感興兼懷蜀友范

仲閻

昔年宴  
集此亭

廢寺無僧住山光亦不親石門欹壞道風葉侮游人直  
視毘盧面猶多戰馬塵霜鐘殊寂寂空外吼何頻  
樹力支危榭山形遶禁湖繇來天地意不厭白鷗孤綺

言四  
三  
席人誰在臺城草自鋪好畱明月照輦路傍薜蘿  
送軫石竺生返廣陵

明月街中路畱君步履遷再來風凜冽此別興蕭然建  
業朝攜手眞江夕問船沿途看紅葉吟到綺窗前

去住心難決徬徨對僕夫破愁思女慧失計怯鄰逋水  
路明晨發山游異日孤交深全用拙別後爾知吾

北城來不易卯酒幾回嘗秋菜盤餐薄鄰雞野屋荒眞  
貧無可愧空返卻難忘身去寧須夢孤舟夢更長

士以癖成趣因之添別情飄蓬仍避俗爾弟似吾兄香  
隱腥羶界簫傳要眇聲懸知分手後愁臥廣陵城

多故因垂老憐君思息機家應添稚子游不辦孤扉兄  
弟東湖夢風霜短袖衣惟余更淪落敢道汎交非

餐館將詩代愁吟況不工但存今日意卽與古人同作  
者如家事離騷變國風小軒君著眼策策兩梧桐

世士往求道茫茫何所之聚頭皆水母投體拜厮兒擊  
竹拈花意空山石壁知與君離伴走傀儡竟堪嗤

盡失懷來意萍踪到岸分郭西居獨遠天下事寧聞弊  
俗歌兼哭勞生怨且羣過江宜洗耳聽說背嵬軍

策杖分襟地旗亭濁酒杯秋風彭蠡雁春色嶺南梅不  
厭元侯笑休教庾信哀殘年看射虎亦足慰摧頽



言  
莫道來何事應知得未曾龍沙風浩浩雪窖水稜稜有  
淚看鍾阜無冠拜孝陵舊游君徧訪昔夢總難憑

雨

時前民將  
欲別余

冬暄何可恃一夕起層陰落盡衰桐葉方知急雨心暗  
停南浦棹寒折北齋琴鄰舍知幾早多時響莫砧  
清涼山寺逢僧號掃葉者贈之以詩

塵中方蹙蹙回首見幽涯山色張寒錦川光倚斷霞尋  
僧逢掃葉遶樹當看花好記清涼路明朝來出家  
掃葉幾時盡秋風秋雨多四山聲不斷一樹寂如何定  
日閒同帚霜天靜養柯翻嫌丈室裏花事惱維摩

寒夜方朔兄過談

月到深冬苦寒階伯氏過掃除愁不盡生發酒無多歲  
事聽鴻雁鄉心見薜蘿歡場如電夜此地費消磨  
冬夜宣城梅杓司過訪畱宿寓齋同作二首

北風今夜急吹月已成霜愛月嫌風色開樽閉草堂故  
人宛陵秀樸被沉相將經歲纔同夢寧知更漏長

未答見懷作三年直至今謬同中夜舞忍誦白頭吟老  
馬空知道驚鴻竟絕吟倘君好枯槁自可再相尋

別梅石三兼勸其歸響山并懷次尾伯宗兩叵友

世事灰心後詩人在眼中聞君有五畝何苦逐霜風臘

酒姑埋照梅花與固窮還山山更好春信暗相通

吾代元龍氣宣城季豹孫讀書期萬卷求友憶諸昆

謂朗

三

去必經秋浦來非爲白門兩冬連榻話銷盡十年魂

公調來自虎臣先生所說先生亟稱我詩且惓惓期我

一悟感賦

八十鄒夫子怡情畫與詩靈光存魯殿元氣在韓碑豈  
見愁銷骨遙憐淡掃眉扁舟下春水相識未爲遲

贈蘇伶王子玠

分明南去客忽接北來音出岫雲俱嬾登場鉢白吟淺  
夫頻擊節識者但觀心儔輩無消息春風吹素琴

賦得別家逢逼歲

臘月江風厲驅人苦爲饑同舟欣有伴借問盡言歸  
白雪南枝近黃雲朔雁羈天涯逃俗累亦抵閉山扉

渡江再過金山作

春冬江再渡似與此山期來往孤雲在高深白鳥知  
波平風軟處天擁雪殘時北岸吹寒笛如吟孟浩詩

詩四

潛江甘鵬雲校

變雅堂遺集

詩五

黃岡杜濬

五言律詩

別興三十首

別興者何送蔣子前民而作也蔣子以十月廿日同兩王子蔣叔子杜子解維而上以廿三日至白門以十一月四日自承恩蘭若移襪被書策過杜子城北之寓齋齋在雞鳴山尾之右所謂十廟西門者京城近日之極遠僻處也風沙苦惡氣象昏昏居然龍荒窮朔無少異凡四方有事來白門者例不至或爲杜子至者北走十

餘里雖嚴冬嘗流汗氣息喘不止入門坐未定必首尤  
杜子何乃居於是徐徐視梁柱欹腐有落勢牆壁皆傾  
倚如巨人欲磬折將俯及客頂者客色然恐其壓已也  
坐不正足跼跼欲外曳又門外牛車彭彭馬蹄跼跼然  
日落風生杜子急起導客曰君真可以去矣送及門蹤  
影滅他日逢人更傳語杜子奈何居於彼不知杜子力  
不能遷且亦陰利客之不能至焉耳乃蔣子何爲者事  
在城南饑不及餐顧獨得得然肯來共杜子數晨夕反  
指城南爲遠僻地每一往過輒尤城南之人如向人之  
尤杜子歸則與杜子啞然而笑時復相與想見古人嚙

雪吞瓊庶幾彷彿此地況味且幸杜子無牛羊可盜往  
往以爲談柄壯我幽踪如是者不覺二十日蔣子一旦  
辭杜子去嗟乎彼數子者皆零星先去久矣蔣子爲我  
獨畱我以慨於心也計此二十日內奔走與端居約略  
相半笑嬉與愁寂情事非一而杜子於其行也目送口  
吟趁筆直書其間或可以詩或可以無詩或盡於詩或  
不盡於詩或似詩或不似詩莊嫚雜陳頽然自放自非  
張祿先生所云寒心者大略具是矣總得如干首命之  
曰別興少陵云乃不知興之所至而爲詩知言哉蔣子  
第藏之自非忘言味道度外之士彼將徒以是爲詩而



求一觀其工拙者蔣子謹謝之勿出也

使回家信到不復道畱君行色生虛館臺城起片雲竟  
忘虞芮訟端寫鮑昭文轉盼傷離索江橋又落曛

方舟昨共上江雨六人寒次第多先去於君獨後難卷  
書行李重醒酒布袍單不用愁煙水荒年處處灘  
半閒傾倒屋亦號讀書堂不厭千回掃纔焚一瓣香  
吟分研席夜臥共匡牀戎馬猶鄰近真依避世牆

貧居偏覺遠況在北城隈落日中原外悲風萬里來近  
冬真嚙雪過嶺誤尋梅不是冰天伴多應早早回  
比日相看笑畱君共在陳書債除酒債蔬覓灌園人同

谷此兄弟鹿門誰主賓古來惟寂莫特地覺情親  
下急能傷性嗟余不自知養生中藥少忘老大歡遲更  
作窮途鬧將無達者癡近詳慈母誠敢負語臨歧  
癖潔端無比孤情恥尙通草蔬惟汝共巾拂與吾同佳  
侶如幽獨高文賞固窮羣兒見見畱客私亦詫癡翁  
南雁雖離後何因更寂然相將尋絕境幾度望高天松  
柏將軍樹湖雲寶誌禪君行漫回首日出布帆前  
屢入亭侯廟長吟杜老詩公孫躍馬日丞相出師時正  
許禽魚共而非神鬼知江樓如抱膝此地最相思  
荒庭何所有秋老雙梧桐明月落時響疏星補處空似

因吟得伴更覺意無窮再至應難見遷流任轉蓬

棲霞遊不遂山鬼笑吾徒夙約人人到歸帆一一孤漫  
勞悲鳳鳥誰敢傲麇麇但踏門前月霜峯清夜徂

大抵因蕭索蹉跎咫尺裝窮愁無到法山水亦炎涼江  
路親峯背天涯繫客腸流傳羞尙子故作解嘲章

再到清涼寺同憐秋葉晴眾峯雜紅紫一樹獨黃明湖  
水橫如黛江流遠自聲酒邊君去路指點石頭城

二旬能幾日閉戶發吾書取舍皆孤往饑寒頗晏如豈  
無白日夢空鎖子雲居自寫充行橐中郎意固虛

往往奇吾子人言未盡同書能妨五袴酒不易三公見

月忘妻病呼天問我窮朱絃戕俗耳且莫暢元風  
哀哉誰氏子冤我是伊雛捫目花全幻吹毛劍只羞河  
沙分路遠湘水閉門幽一笑煩相謝山僧不暇酬

苦在飢寒外知君念我深幸開終古眼不媿百年心腐  
爛浮生夢支離澤畔吟昔人何太淺恨恨到於今

雞山一抔土登頂卽超超下視風煙積同悲物役勞偶  
然人境遠何況道情高與子雙揮手虛空在縕袍

相聚真何得聰明恐捕風瞿曇偏說有夫子妙談空了  
卻君王事依然鹿豕翁只今窮豈怨當日本來窮

文章雖末事貴與道俱生不朽非千載忘言洞百城可

言三  
憐無耳目爭欲用聰明之子何偏僻頻來問楚儉

修竹蘄王廟幽棲屢訂余江天無俗物臘日讀殘書顧  
此憂晨夕何由樂歲除行行還聽命造化妒樵漁

爾歸江上閣可以暫離羣流覽煙霞態深看冰雪文寒  
花無俗豔落木有奇聞工易誰先得當知悟不分

舉世趨名字誰爲禪與騷宗風牛僧哆詞翰狗屠豪道  
覺攤書在人須閉戶逃忍看顰顰者流轉正滔滔

老厭書聲聒歸來不教兒勞君相勸勉願我竟頑癡失  
馬翁全聽亡羊穀但隨茫茫人海內責望亦奚爲

天涯集百憂知己歎無謀廿日纔窺豹平生可汗牛強

將心絕想不用眼看愁似是支吾法狂歌傲白頭

幾發東山興楊家復寇家息心游浩蕩淨眼看空華塵

暗江南管風吟日暮笳請迴窮士駕書屋有梅花

兩日始一飲飲終仍不酣可憐雙蕩子何苦落江南別

酒賓翻直深杯主重貪黃龍無浪語大斗尙能堪

去冬飛雪早吾客爾蕭齋寒雀窺開徑香醪暗典釵經

年如夢裏易地各離懷喪亂無餘事匆匆一鞦韆

極知無益甚未死兩般心傳世猶多事懷人復好音張

翰名計遠蘇武色根深君過邗江畔停舟試一尋

吾兄逃俗客襪被爲君攜話畢鐘先動詩成雁一啼凍

言五  
蕉猶閃閃霜草不萋萋相送危樓下回看十廟西

茶喜

海內喪亂後好事之地頗數維揚然不精茗理井渫亦  
濁腐人肺腸望而畏之矣惟茶舍有某軒者粗知用江  
水間及天泉瀾新安選茗差可入口余每過啜數盃然  
香色淺薄天質不幽市氣囂囂厥病文俗苟可以漱滌  
腥醲驅渴躁而止非茶也私謂此中斷可勿生茶想  
矣乃茲七月之望余將南還同蔣子前民下瓜渚微雨  
放船秋光可掇中途雨止相與登岸散步尋道旁桂園  
折得數枝入舟一水之香直達三徑詰朝金風戒露晴

吳洞然旣夕圓魄東升著地碧色漏下之後蝕而愈明  
街鼓告寂閉門淵永蔣子吟嘅有會徐出茗飲余素瓷  
若空微聲絕類余少呬而沁心焉遽驚視蔣子不能言  
良久問蔣子何繇得此蔣子云此吾久徵秋水濯峒芥  
精英躬親潔器察火而有此也雖然豈緊非天蓋他日  
未盡若是矣余然後悔向來絕望爲太勇豈可易料天  
下事哉夫予論茶四妙曰湛曰幽曰靈曰遠用以澡吾  
根器美吾智意改吾聞見導吾杳冥今亦具是矣賞豫  
之餘僅得一詩詩離乎茶而志曰茶喜然則奚用而繫  
之茶又奚用而繫之喜耶嗟夫詩



維舟折桂花香色到君家露氣澂秋水江天卷暮霞南  
軒人去盡碧月夜來賒寂寂忘言說心親一磴茶

詩五

黃岡沈自申校

變雅堂遺集

詩六

黃岡杜濬

五言律詩

三山游詩

有引

少讀康樂游山詩慕焉嘗東游爲詩跂之而勿逮也後  
讀少陵岳陽樓何氏園諸詩乃知其妙亦可變其音節  
於五言律故今春與友人王子蔣子游京口諸山遂純  
爲五言律嗚呼難哉居嘗論爲詩貴得其意意者近而  
遠反而正止而行者也極其至雖辯者不能以言言誠  
得其意卽無往而非九天九淵不然苦吟仰屋梁無當

也夫齊人華游者鞭其馬東馳日行數百里自以爲必至矣而不知其去之乃轉遠也嗚呼難哉故夫鏗錡之四六與刻畫之文章俱無當於詩此近日王李鍾譚所以兩失其意歟嗟乎自非解人雖與之飲啖未見其可況可與之論詩可與之處山水之間哉噫予不敢言

正月十三夜至瓜渚前民攜酒大觀樓憶是早別軫石郡城予以明日過京口

令節吾何有危欄此暫憑客程看鐵甕鄉思豈金陵人共中天月江分兩岸燈合離同日事西望意飛騰

元夕江樓看月

星火夢瓜州，餘得勝游難逢。今夕月復此，大江流碧  
浸三山影，煙含萬古愁。夜深誰擊楫，吾道在漁舟。

俱此就明月，何期落大星。

見星隕如炬

徒能驚醉眼，未許亂

青冥戰伐看。前代江山想巨靈，悲風歌乍起身世，總無

局。

### 金山

山從南北望，孤棹始登臨。坐覺春雲動，行看水國深。江  
流元自湧，天地亦何心。獨拜蘄王廟，英風爽客襟。

妙高臺無月

正月十七日逢初  
度同軫石前民作

連宵皆好月，此日特登臺。何意東峰雨，疑從北固來。江

詩六  
二  
聲催白髮天影落空杯一霽偏相吝蛟龍永夜哀

金山曉陰有懷亡友王二雪蕉

夜潮喧達曙漠漠散春陰海氣昏南北鐘聲變古今轉  
看鄉思減何故客愁侵歎息鍾期去空餘山水音

登金山塔六首

虛空誰得住萬頃塔前奔孤日沿波轉遙天入海吞端  
倪應楚越氣候豈寒溫赤縣神州意悠悠何可論

極目非無岸滄波接大荒人煙沙鳥白春色嶺雲黃出  
世登初地思家傍戰場咄哉天咫尺消息轉茫茫

絕頂惟吾上忘懷達此生遠空微有映深水更無聲只

益江山迴寧聞世界平  
佛香吹廣漠一接埽塵情  
凭欄專眺聽指點忽悲歌  
歲月荒龍窟乾坤此鵲河  
愁雲天畔起煙草潤州多  
遑復悲身事飛霜滿薜蘿  
長江頻失險孤塔自中流  
虎踞闕京邑烏棲俯戍樓  
標題唐代警開鑿宋人羞  
一氣通衡霍諸天袞袞愁  
薄暮難爲狀空中別有閭  
懸鐙江海合望月水天分  
寥廓身何往飄零興不羣  
向來峰頂色看作下方雲

北固

西郊諸嶺現北固稱其名  
石壁憑空下江天插水深  
鳥飛孤閣半人上翠微平  
有處金焦合辭山更遠行

宿北固山下菴此地昔年曾屯水軍

無事過三宿禪燈繼夕曛山空孤磬滿風便落潮聞虛  
白頻疑月藤蘿直似雲如何岑寂夜忽夢水犀軍

北固山逕同軫石二首

郭外空山妙途窮此逕存長懷金粟影高坐白雲根水  
落添沙嶼煙消見海門忍看春草色的憶王孫

二子來何數勤于早晚潮登峰無酒茗行徑似漁樵曠

代麟猶泣空江鶴漫招故人琴隔遠白雪意中操

山後有麟

麟冢可爲焦  
山陸鶴之配

招隱寺

隨風深入谷遂上讀書臺古木門前逕清泉石上苔也  
知春漸好未必客頻來草草尋遺跡山花去後開

白龍洞梅

覓洞披榛入探梅傍虎行地偏鐘鼓寂春霽雪霜生聞  
說人稀到能無鶴自鳴下方歸路晚暗覺旅魂驚

山行訪梅不得到竹林寺

飲泉心未足出谷復何之欲問竹林路樵人亦不知遠  
江雙鳥去落日一峰欹爲覺梅花近山風故故吹

鶴林杜鵑樓書感

鶴林何處好吾自愛重游有竹連三徑無人臥一樓梅



開春畫永山老杜鵑愁不復題名字書生已白頭

焦山六首

觸處迷人代茲山尙姓焦上頭仍棟宇到眼忽雲霄樹  
色南徐近江聲北岸遙衣冠畱洞壑不必訪松寥

遠跡滄江曲山情實澹然石根爭插水樹杪欲浮天莫  
起蒼虬臥端如處士賢再來應酌鶴把酒坐高煙

八年前一到車騎亂青蒼賸此題詩客來尋置酒堂飢

鷹嘯半嶺野馬戰斜陽實有悲盈谷非關弔夜郎

謂龍友也

出郭來差遠憑高望獨深江分神禹跡海見魯連心密  
竹藏金像回流灌石林擬尋幽絕處卻誦白頭吟

摩碑臨積水折竹杖危坡不向山中住寧知幽處多雪  
埋孤衲笠風亂老漁蓑荒率存真意余心不厭過  
僧堂陳古鼎青絲略參差沙劫何多故商周僅片時神  
工疑太淺怪物復安施不必論眞贋風塵忌獨知

題江岸避風館

館爲小有置公  
秋畱詩壁間

李生居不定置館禦橫流客至棲孤影僧高待白頭江  
山供坐臥風浪警薰修借問今詞伯何如萬歲樓

月夜童游焦山

勿論今宵月清輝白晝多秋聲行澗壑石骨照藤蘿細  
響蟲驚鳥殘陽葉在波東方動光怪天水盪相磨

石聳如雙劒交加山水邊上頭霹靂古下有蛟龍纏四  
顧宜招鶴三更好悟禪月明無賴極化作一江煙  
月湧焦山寺潮來寺一低勢如騰塞馬聲欲亂征鼙但  
益空山靜能祛客思迷老夫端倚醉歌罷忽然哢  
月淡因知曙秋陽又改觀光芒纔一縷氣象卽千端山  
擁青萍匝天矜赤玉盤林楓方弄色併入早潮寬

眞州新城賦得十里桃花畱別軫石前民

倚棹望遙天明霞漲一川同驚分手日莫記種桃年綠  
是江南樹青爲渡口煙無勞更相送緩緩問歸船  
歸情知已得相送爲淒涼何意桃花路能隨春草長以

幽通水色將豔補山光共說金焦後斯游不可忘

軫石生日同前民送酒一壺戲作口號

天涯俱失路有命實同聞明月雖慳我青山亦吝君老  
添詩警策愁著酒微醺生事今猶昨空題白練襖  
比年同屈指大抵此生餘世路黃金窄人情白髮疏有  
懷宜述酒無夢到乘車可更求鮭菜新傳令弟書

聽軫石琴

入座含幽思三山屐始歸方將彈古調迴復振金徽予  
意尤耽此此音知者稀移時身不動親叩海天扉

江雲飛不盡流水上空堂寂歷人誰在颺颺曲自長哀

猿吟雪嶺匹馬弔沙場此意吾全識憑君鼓數行

軫石語我

少時讀書白狐嶺嘗雪夜聞猿又邇年頗歷邊郡

愁腸不厭愁聽爾操離憂忽到無聲處何曾有淚流  
晝長雙戶掩風定一絲游心路冥冥接人天詎可求  
月照彈琴手香傳入戶枝輕煙飛不著獨鶴步何遲  
意得人皆靜元來已不知曲終三歎息爲說昔尋師

### 前民生日得四首

記宿金山夜與君商讀書三春看漸好千古意何如  
交久無過敬心雄轉在虛鏡中勲業富茲日倍慙余  
三十今過幾詩名孟浩齊道寧同我拙顏肯向誰低  
白

髮循資到青錢取次攜飲場行處好二月草萋萋

次第逢初度淹留見古歡余將衰鬢滿君亦少年殘據

馬何時事聞雞此夜關王郎頭更白相對且相寬

軫石  
生日

前一旬余前一  
月軫石最長

戚戚非年往于君矧壯夫貧猶珍彩筆少已事團蒲小

閣風雲峻長江日月鋪繇來心語密對酒澹如無

雨過于一紀所見兼慰之

冒雨過君早逢君冒雨歸旌旄行處梗薪水事全非莫  
用中原法當慙老僕飢素琴還一弄靜卽主人威

從石塔寺過紫峰繫所有述

但覺鐘聲近來從石塔西荆扉敲暮雨短褐濺春泥孤  
燭輕藏跋殘梅細下蹊南冠猶在眼不忍聽烏嘯

諸子偶集同賦春晝

春空明且綠四座舉頭看遲日何由是幽州也不寒琴  
移花徑鼓籜試漢時冠卻笑山農誤臨風有所歎  
天意憐非所風光似考槃異鄉今會樂去歲此時寒鶴  
唳空城靜鶯來一路乾歸心畏芳草懶向醉中看

過朱園有懷麓翁先生舊址

亭角花含笑欣然訪故人乍驚歌板寂重覺別離新蝶  
滿檀園草鶯窺柳閣春行藏三徑外相憶唱酬身

再聽王子琴時余將別去

杏花楊柳煙籬落倚歌船客意安  
三徑歸心折一絃天  
青風嫋嫋頭白影娟娟來日遙相和  
中流起扣舷  
已失招提路誰傳鐘磬聲多君臨水思  
深我入山情屈  
子游偏遠江淹恨不平所聞今異昔  
感極道心生

新城書感示蔣子

客子無寒食荒郊駭哭聲看花詩不  
就如雨淚先傾妻  
作他鄉櫬兒辭故國塋良朋歌亦止  
知我此時情

春草

春草深三尺歸來歎轉蓬江河曾不  
返吾道本宜窮忽



詞蘭花發其如酒殘空正愁因作想差抵渡江風

是早渡江

幾殆

### 輓周忠烈大參

王事賢勞者生前總不羣名非重一死學豈著三軍魄

散天猶憫

公媵姬聞難相率死之

忠孤君未聞

當事盡掩公以飾所私

鬼神

終莫掩野史續遺文

### 晚泊黃州

赤壁雲初暝烏林日漸紅波搖兩岸火人語隔江風夢  
鶴侵蝴蝶燃犀逼水宮天寒游子意清夜月明中

### 詩六

潛江甘鵬雲校

變雅堂遺集

詩七

黃岡杜濬

七言律詩

乙丑季夏傷足伏枕歷秋未瘳屢荷素園見顧殷殷偶  
畱小酌限作二律同用知秋二字君詩先成依韻和答  
吾道危如一木支誰憐雙足數還奇呻吟轉側今何地  
跋扈飛揚彼一時同調相期金可斷異方多難藥難知  
畱君小飲余先醉爲愛西泠七卷詩

濯足空談萬里流朝昏爲守戶庭幽故鄉久別終思奮  
好友頻來不帶愁白髮丹心千古意黃花紫蟹一年秋

何時造爾能扶杖不羨乘車馬少游

越二日素園載酒過豐詩謝之

故人相報何其速擔酒如澠過草堂滿意千錢羅紫蟹  
稱心三市選黃羊偕來僧曠能揚觶侍立童清解熬香  
酬酢從今誰肯已須烹石髓酌天漿

送秋之集再同鉉升練江南枝用知心二韻

塵埋秋盡幾人知我友南來若有期三徑先冬常對雪  
荒寓名一尊卜畫亟乘時情高竝設伊蒲供韻勝兼吟  
邊雪亭  
島可詩自顧半人同鑿齒彌天四海意堪嗤

終朝抱膝不成吟酒茗同歡任客斟栗里黃花相問少

孝陵紅葉向來深著書未竟三餘業伏枕空勞九塞心

莫恨征鴻霜後杳遙遙至日有佳音

卜者許至後愈

又疊知心韻

少昊西行有別離草堂高會及良時年年祖道身皆與  
歲歲鄉心老漸移三徑黃花彌姣好五原秋草益淒其  
乘槎博望曾貽杖記得探梅仔細支

采藥題詩正苦吟誰憐楚客在楓林推敲勢盡思幽侶

剝啄聲殘得好音雨後山傳無本句

賈島句清秋雨後山

霜前雁

叶伯喈琴長千秋色何如此共向橋西惜寸陰

幽棲寺和韻自寄昔遊

幽棲不愧世尊居  
破草猶傳晉代餘  
孤日煙深緣谷秀  
雙峯青露賴林疏  
客閒且摘菩提子  
僧老兼繙孔氏書  
且待桃花開口笑  
重遊指點盡眞如

答贈鄧方回

立言未稱平生意  
先輩知余感最深  
豈獨過庭諳野態  
似聞移石見愚心  
兔罝龍虎由來免  
畋獵熊羆敢自任  
恰與笑人高密遇  
還搔白首一沈吟

二十年前交若翁  
英詞磊落萬人雄  
看君下筆光家學  
歎我將騷代楚風  
栗里酒推陶令醉  
河梁詩薄李陵工  
吾衰莫效瓊瑤報  
惟有憐才意不同

和蘇嶺梁溪郎中夜望

不期此地再相尋  
聞道烽煙接故林  
舊日春陵猶在望  
向來梁父久成吟  
沈冥且酌中山酒  
蕭爽真辭惡木陰  
歸路晚風吹白髮  
一時乘興共披襟

秋日登周處臺

半生老作金陵客  
訪古今登周處臺  
疏樹萬家秋更落  
夕陽千里暗還開  
虛傳戰伐能揮劍  
如此江山更舉杯  
寂寞草堂遙在眼  
蒼茫指點朔風來

至廬州與孝升相見作

喜心翻到淚沾巾  
傳說君歸信是真  
草疏雲霄優攝相

麻衣風雨葬慈親千秋業待呈知己十載窮堪泣鬼神  
交最豈宜來獨後應憐磨鏡具隨身

移寓書懷

禾中爲客客心驚十日三遷見俗情細雨又投東塔寺  
薰風忽送晚鐘聲苦無懷抱尋佳樹似有因緣住化城  
咫尺故人艱會面悽悽端覺負平生

立春日過虎邱卽事

張公祠下停舟客今日迴舟復繫舟行處冰霜催麗景  
望中雲樹憶清秋一瓢酒盡人同醉六琯灰飛我尙浮  
徙倚山塘情脈脈寺門渾異昔年遊

乙巳正月一日

去年今日任飄零  
強起看羊坐野亭  
世路春風欺白髮  
江鄉濁酒醉青萍  
極知歸計今惟是  
其奈悲歌醉易醒  
涓滴豈能蘇涸轍  
窮魚終擬赴滄溟

經年蹤跡渾無定  
憶在南徐秋興多  
兵酒豈堪同處所  
金焦元不砥江河  
時平人忽中丞傳  
客貴兒藏正氣歌  
此日端居閒可惜  
興懷聊一動吟哦

和孚夏枉訪贈章兼貽酒炙元韻

邊雪亭南卽孝陵  
相依不出有誰能  
衰蹤笑我如飄絮  
佳句看君似引繩  
蕭寺壺餐何衮衮  
元關劒氣莫層層



意中猶自生分別健羨黃山嘅白登

十月十日蔡鉉升載酒飲我於病榻練江南枝二詩納  
偕至

擬上籃輿散百憂素交排闥且淹留情親各出三年字

身老猶憐一日秋

明日立冬

客舍自晴黃葉雨鍾山不動白

雲遊持螯快飲成今會大有齊盟在後頭

登燕磯亭子和愚齋韻

翩躚燕勢復岌巉宿槩來登散鬱陶天末雙丸輪赤白  
望中一氣接金焦鐘清野寺摩殘壘煙鎖江門上晚潮  
此地不須添感慨誰將今昔問漁樵

弘濟寺尋蒲菴

幾度維揚訪老僧，巉崖拾級又來登。  
飯抄雲子三升日，茗瀹秋江萬里澄。  
長恨南朝沈鐵鎖，何如西竺引金繩。  
元知世外多奇士，高築詩壇祀少陵。

蒲公欲于山中  
建一閣祀杜公

再依韻和燕子磯作呈愚翁

憶昔攜壺上石樓，眞山眞水作眞遊。  
山疑紫閣峯陰轉，水入黃天蕩裏流。  
玉笛淒清橫柳岸，樵風寂歷起漁舟。  
短篷再往尤宜雪，一片奇光健筆收。

再送李三友之金陵

主人再出客未行，研田老爲誰力耕。  
三頓加餐管醉飽，

四同見月詳虧盈白頭知感諒何益黃葉題詩傷此情

冀君暇日偕季二

方本也

視我十口鄰臺城

丁叟河亭用錢虞山韻

樹色無多草色新陽和猶見帝城春青鞋獨往知何處  
白首相看尙有人桃葉水生來燕語鍾山雲起護龍身  
遭時不是輕優笑嘆息何戡老亦貧

久遲孝升先生於白門至是自東粵使旋相見喜而有  
作

嶺上冬青一再過相俟早自渡黃河寒梅轉向尊前少  
詩句偏於別後多倚檻扶柔紅欲笑窺籠鸚鵡白能歌

攜持萬里關行色相對焉能鬢不皤

感秋

赫赫炎威燼不噓一宵白露滿庭除  
鍾山樹盡秋聲在樊水波寒夜月虛失  
國黎侯猶歎息憂天杞叟付軒渠  
殘年飽飯今難得遑向天南望雁書

雨中子任移尊寺寓同雪舫前民永清  
淡洋賦

十日秋霖困老翁羈孤詎數阮途窮  
公卿奴僕緣俱薄藥餌盤飧遇略同  
愧我褰裳思霽後多君載酒自泥中

臨行更許霜華贈硯北軍持幸不空

子任離間多名菊

肥水先生忽有居

肥水先生忽有居後堂絲竹風徐徐石欄桐葉自題字  
繡幙珠簾人讀書何時有田更負郭不日攬轡還登車  
別墅東山肯再買問公重覺公躊躇

急流未必從君退且喜歸懷有定蹤去國八千餘道路  
移家三十二芙蓉栽詩鶴唳林端月禮佛人參郭外鐘  
誼適館餐吾竊媿籃輿相訂屢過從

楚客孤蹤數往還朱門強半是柴關新栽竹始開三徑  
大厦人先庇萬閒只在秋江隨野鶴可無煙樹看鍾山  
卜居已占東南勝爲報先生急辦閒

前民草堂

闊別無端至五霜知君新有授經堂數莖白髮環童穉  
一朵黃葵向夕陽書檢焚餘畱漢史人嫌衣敝免時裝  
興來欲話隋家事只學漁樵聚蜀岡

南支開士見懷依韻和答

遮莫長歌復短歌此身如葉久離柯情親飄泊君難得  
老混塵沙我爲何濯濯禪枝方內少芄芃春草世間多  
應憐大蹇朋來日不惜芒鞋早晚過

燕磯感舊

并序

歲在辛巳余年三十有一東遊鹿城荷諸同人餞送於  
燕子磯者爲四明薛千仞時八十二內江范仲闇秋浦

劉伯宗吳次尾莆田林茂之桐城方直之江寧顧與治  
雲閒張友鴻貴竹楊愛生方外則道開懶先紅褰則崔  
未鶯李澹如狎客不記今無一存者和韻之次緬懷疇  
昔再成一詩亦可以知余之老而無賴矣

坡陀山半結飛樓壯歲曾叨餞遠遊綵筆雕弓俱氣象  
美人名士各風流暮帆遙指青山峽夕照斜通白鷺洲  
惆悵一時消歇盡獨張老眼望難收

懷山堂論詩

吾徒絕口塵中事相聚焉能不及詩敢慕匡衡能結主  
惟知蘇武是吾師白衣化狗雲飛疾碧落書人雁過遲

景物滿前皆作者等閒收拾復何疑

孟氏忘周欲王齊平生所學是何詩田完有世寧曾論  
管仲爲人豈易知雲漢遺民殊鑿鑿春秋繼作亦鰓鰓  
只緣錯答宣王問卻被襄陽杜甫嗤  
爲陶象庭將軍殉癸未寧前之難作

杏山師潰國無門憤切戎衣點淚痕自是挺戈無反顧  
羞同坐甲有成言黃沙塞冷靈旗遠青史名高廟貌尊  
七尺豐碑誰敢作揮毫吾欲表忠魂

輓曹秋岳侍郎

君才丁丑盛文章壬午論文在帝鄉一別再期純涕淚



兩登八座亦淒涼  
隴頭水咽疑人語  
粵嶠猿啼斷客腸  
指點昔年遊宦地  
不知何處不沾裳

知己相逢不待尋  
龔曹異撰有同心  
一時許我詩追古  
何處招君悶在今

古詩無悶  
徵在

倦圃神遊搜祕笈徵車夢

斷暢幽吟自慚三載空癡長猶鼓鍾期死後琴

昨年同客金陵久  
衮衮相逢此地多  
水見新流盈又涸  
山驚舊峙翠難磨  
鏤金康樂顏爲謝  
擷秀崆峒李變何  
近喜乘時公有子  
遺文應不負江河

日日論文意未宣  
還從別後寄長箋

公寄余手札幾二  
千言意欲予文勿

輕與其札  
已授梓矣請纓策出餘何用諛墓金多但可憐紅板橋

頭重握手南倉渡口幾回船元文罷刻關天意猶感忠

言到九泉

公欲刻元文  
用余言而止

楚社秦淮泛

淮水悠悠六代情端居相與昧平生晚涼路許通歌板  
深夏朋初集雨聲嬾僻那堪遙入社羈栖終有舊題名  
相期不負滄江意月落船歸笛正橫

雨集劉阮仙署試燈步其元日韻

東風吹雨信泥蟠折角斯須強漢冠青眼正逢春酒綠  
梅花何似故人寒端愁聚集難爲別各歷悲懷始覺懽  
草屨往還三十里不因燈火亦來看

寄胡孝緒太守

野客天邊抱膝窮  
郊瞻藜閣憶名公  
詩成晉代衣冠後  
別在秦淮簫鼓中  
想見雪兒歌折柳  
莫辭煙酒學鄆筒  
劉郎到日應相問  
虎氣龍身注草蟲

聽琴次韻

殘山幾處約同尋  
故向春風一試琴  
三疊素心懷舊曲  
百年癡計想知音  
湘靈有夢隨聲往  
滄海無端應指深  
彈到求凰明怨惜  
雙棲亦自訴孤衾

雪夜戲用蘇長公韻效徐渭體

鷺毛片大梅花纖  
壓破茅齋未解嚴  
賣賦長門銷白墮

洗粧殘水潑紅鹽  
冰心客舍酬詩債  
玉筍明朝挂畫檐  
書報王維談繪事  
遠峯一一更能尖

深樹蕭蕭不白鴉  
虛檐滾滾似翻車  
將平客路高低路  
只在梅花前後花  
任爾顛狂隨蹇足  
不中消遣是漁家  
空庭一角如肪截  
醉後筇枝未可叉

贈包又申

容與翱翔自有今  
一雙誰不羨球琛  
子春東海無奇祕  
梁父南陽報好音  
邁往尙騫雲裏翼  
相期不媿雪中心  
曰予歸啖衡山芋  
大道行藏本各深

三弟三十

三十年前細雨中黃鸝深樹變薰風庭階喜輟書聲開  
弟生時余與伯兄在繡襦光添竹影紅歛爾雁行長作  
塾聞之輟誦而喜客看余鶴鬢已成翁桑田海屋何須計一笑當令百醖  
空

賦謝范質公先生

津門冰水照人寒喜見扁舟賸水寬高爵似公蔬食少  
窮途知我酒錢難天低遠樹無黃葉地近滄溟見紫瀾  
慰藉數行吾但媿萬言杯水久同看先生辱貺酒資來札有文以絕世奇才復遭荆別之語

沙河待濟袁令昭先生見余至喜甚以同社元歎諸子

先字韻詩屬和

走馬頻驚水絕天相逢沙渡各驩然  
短文尙露腰閒玦長揖猶支手內鞭  
苦葉詩成須共濟猗蘭操在必孤傳  
燕臺此去同千里忘爾臨流半日先

又用先字嘲令昭時七夕後一日

長路參差復比肩渡頭終少木蘭船  
拋荒名士山中課苦結英雄馬上緣  
不信銀河流眼底請看牛女集風前  
窺君步步隨油壁總有霜蹄不敢先

重陽後二日過別如須密之亦至分得長字

憔悴京華握手忙悲歌忽忽不能長  
征衫有淚重澆酒

叢菊無花暗認香落木偶同烏鵲下飛塵難掩玉蟾光  
不知真有燕臺否銷卻黃金好舉觴

張介子招集與治庭梅下分韻得人字

建業梅花誰第一顧家庭畔獨精神餐霞甚欲分松子  
衣白何妨是聖人遶樹十年驚我在論交千里覺君親  
重期酒盡香猶妙淨掃蒼苔置此身

出城至靜海寺喜黃石齋楊機部兩先生皆寓其中黃  
先生畱飲同楊先生至夜余辭去畱詩爲別

當時賢者在於斯蕭寺孤燈濁酒卮感事未成無口瓠  
憂天同賦洗心詩江聲百折終來枕松色何年一改枝

咫尺出門吾已益擔簦寧必更尋師

雨中至邗溝不得晤超宗超宗遣人問勞遺酒脯約以  
明早過余余卽夕解纜矣悵然懷之

車船南北廣陵通逐隊紛然取道同知己孰堪形迹外

夢魂多在影園中牡丹黃後傳詩柄楊柳青邊倚釣蓬

此日俱淪崩岸雨獨畱殘醉轉忡忡

屬余咏黃牡丹未果

壽姜如農先生

令弟交深二十年論才每遜阿兄先由來治績桐鄉茂

當日朝廷汲黯賢華髮幾莖驚浪迹大江千里映冰天

佳兒跪捧如澠酒慷慨應歌雪雁篇



詩一  
送王孫茂之廣陵于一子也

三  
燦石燎原劫火屯何人剝啄響柴門慙懃嚙我聲猶昔  
臥起看兒眼倍昏故里有樓歌帝子殊方無地飯王孫  
橫經家學傳三百只恐蒿莪漬淚痕

詩七

黃岡沈自申校

變雅堂遺集

詩八

黃岡杜濬

五言絕句

齊宣王墓

與桓公墓相連

君王爲阱地片石草中閒  
欲問桓公事相過咫尺閒  
鄒方魯閣上同子桓

修竹復流水柴關開此閒  
春來花霧重無處認青山  
焚湄舟中偶成

一雨連三月開帆趁晚晴  
春風吹岸草未遠石頭城  
和懷古

覽金子村居懷古作遠想慨然各繫五字十二溢至十四止

魯仲連

歷覽千載事魯連最不平但洩路旁憤何知世上名

張子房

譬如一盤棋扶劉報韓敗一著在棋先始終在局外

嚴子陵

漢亡復漢興眼看泡起滅子陵默有悟懶傲兩非屑

郭林宗

林宗如芝蘭又不當門戶所以惟馨香隨風馥終古

諸葛孔明

孔明匪不勝所不勝者天當時對壘者誰知非晉宣  
此人才絕倫復爾好心事天且如之何惟有一死字

祖士雅

胡雛非腐儒又復非名士此間對局人獨有祖家子

陶淵明

淵明純醒人生平未嘗醉悠然見南山佯狂有醉意

張巡

一死動天下睢陽與常山唐室再造功吾必曰張顏  
觀士觀其敗觀王觀其碎玉碎必有光士敗必有氣

司馬君實

君實可與立而未可與權求士三代下如君豈非賢

周茂叔

回死無好學賴有周茂叔其學如畫蛇所畫獨非足

蘇子瞻

堂堂復堂堂子瞻出義眉幼讀范滂傳晚和淵明詩

文文山

文山欲成事死事非其欲所以柴市前一任炎午哭

泰州絕句

窮海三秋盡扁舟百里行太陽無近色偏照遠帆明

移寓自嘲

十日如新婦不會逾戶限惟有庭前花來時才一見  
乙巳臘盡還南寓戲爲口號

淮水凍仍綠鍾山燒更青一椽來復去只是短長亭  
妻孥誤見嗔我信如潮汐出門必上元還家必除夕  
僅有相如壁何堪壁復傾築牆纔數仞怨似築長城  
酌天章

我有雙尊酒將來飲故人偶然鮭菜缺厭說客中貧  
梅下

獨坐歐梅亭步繞歐梅址不見歐梅花且拾歐梅子

爲斯上人題帳

誰識山僧意  
繩牀繪牡丹  
分明將富貴  
只作夢中看

詩八

黃岡陶炯照校

變雅堂遺集

詩九

黃岡杜濬

七言絕句

王嬙故里

亦復當時戚里親  
花枝偏老漢宮春  
莫仇延壽仇婁敬

渠是和戎作偏人

武皇遺策服單于  
願墻何心擇彼姝  
猶白浪拋傾國去

前人伶俐後人愚

掖庭入後眾人同  
下嫁休嗟妾命窮  
正恐傷心無一事

蛾眉空老漢宮中



毛生漫負丹青責  
炎季空淪禍水波  
若寫趙家雙姊妹  
畫師功已敵蕭何

燕丹故里

節俠田荆古罕儔  
於期心膽亦風流  
從來利鈍人無罪  
惟有燕丹與武侯

修降肉袒竟何成  
昏德重昏恨不平  
亡國亦須畱楊樣  
燕丹死後有田橫

樓桑

生兒大耳亦英雄  
青蓋亭亭一樹風  
卻怪他年成底事  
樓桑不在地圖中

竹枝辭

余客京師八十日棘闈以前既匆匆無暇晷榜後報罷  
益用慨然懷刺騎馬殆非吾事反鎖衡門守環堵時多  
耳惟一二知舊顧者答之招者赴之時則一出就吾身  
之所至目之所觸戲成俚語如干私用破涕爲笑舉一  
漏百吾知不免大概不能言其所不知又其大者臣未  
敢言也

日出天街十丈紅長安塵似不關風呵  
藤騎馬紛如織  
大抵榮華若夢中

生兒好歹作長班只愛奔忙不愛閒  
昨日日本官初罷相

勸他須早出張灣

一樣長班百樣形  
一身前後有零丁  
強如黑虎生成翼  
弱似烏鴉翦卻翎

誰家少婦一身新  
着錦穿紅嫁比鄰  
女伴不須相健羨  
早間初是未亾人

死卻村郎就好婿  
有緣嫁得四衙門  
高燒銀蠟從君看  
脂粉能遮假哭痕

馬上誰家白面郎  
如何衣錦不還鄉  
點金扇底烏紗帽

歸去聽人講報章

時傳瀨水一錦衣不識朝報特  
延一西席講解此蓋紀實事

蜜棗銀桃此地兼  
來禽青李遍窮檐  
可憐客子經年苦

不及蘋婆四季甜

去驢來馬日紛紛面罩飄颻看不分莫怪女郎單著袴  
男兒臉上占伊褰

輕姿道不及蘇州試看纖纖襪一鉤但勝吳姬雙赤腳  
不妨湊別美人頭

茅簷灰壁挂琵琶皮袴高盤炕上搗卻說客來休見怪  
竟無新蒜點香茶

紫花衣服著來多打扮了鬟付賣婆急向街頭呼太太  
快回鍋上烙波波

廟市多逢朔望期朝回官每步檐嬉明珠好媚權門妾

可惜爺來問的遲

骨董珠璣擺作林酬錢索價費沈吟繇來貴物惟司馬

一顆頭顱五百金

時蜀中司馬典刑其家以五百金買頭去

青紅五色舊衣裳唱價聲高老弋陽客子忍寒無不可  
十分難忍這般腔

出巾入帽上無天畫諾官人一分錢久矣皇朝頒正朔  
不應猶是紹興年

老店馳名劉鶴家三錢買得好烏紗昨來誤怪稱呼別  
乞丐相逢總喚爺

此地坡陀見亦難煤堆灰垤晝漫漫馬頭一點西山色

那箇官人冷眼看

客舍東鄰卽象房  
不曾看象不因忙  
異時間巷兒談象  
肯信余曾到帝鄉

寄弟晉公

江干別弟尙殘春  
各逐秋風慰老親  
今日楚天空憶我  
半成學究半山人

聞友談水東之勝

魚愛深池鳥愛叢  
君談句句合幽踪  
憑將骨與青山誓  
老號詩人杜水東

登樓戲東阮仙

言  
春宵好月照新泥客子貪歡欲去遲昨夜登樓真有作  
云云非復仲宣知

送阮仙於燕子磯而別

送君直欲過黃河燕子磯邊別恨多一揖茫茫無限意  
回頭春樹與江波

和阮仙韻

長年住槩避風頭芳草如江欲竝流戀友思家今夜醉  
夢魂分上往還舟

同舟周天行出便面索詩用前韻

燕子磯頭怪石頭纔添風雨接江流高談燭跋聊須歇

恐惹蛟龍遶客舟

于子秬納姬前三日戲爲催妝

春暮桃花處處開  
聞郎消息愛郎才  
香車何必晴方駕  
神女原從雨裏來

新從吳下返長干  
蟾子裙要報合歡  
桃渡蔣陵乘水起  
簫聲鳳影障春寒

名園池館翠成圍  
更掃雕梁待燕歸  
爲報鳳皇臺上鳳  
這回端的是于飛

琉璃硯匣緊隨身  
繡罷鴛鴦寫洛神  
婿得詩人于鄴婿  
不慚人喚蔣山人



花燭辭

花燭春逢七夕輝洞房如此畫船稀秦淮水滿佳人笑  
歸鳳求凰得鳳歸

渡頭郎不擬頻來天意翻成合盞杯十丈紅纏絡鼎耳

謝伊今日作良媒

子桓以贖藏  
鼎來白下

佳人結束自南朝燈下看來滴滴嬌郎也莫嫌衫袖窄  
爲儂遷就一吹簫

亦知天下皆風塵泥裏青蓮認往因飲酒誰明魏公子  
買絲新繡梁夫人

醉中口號

最愛清真李卓吾從他歎子罵狂夫君身已帶翻雲翻  
只少同予看後湖

悲歌又上鳳凰臺萬劫消沈那見灰大事此生須自了  
男兒切莫敬如來

兒子晬盤其母求百餘文爲餅餌之費不能應懟而自  
行稱代爲之余飽食不慚而已

拒收人情也不能荒廚忽忽有煙興阿翁飽食無言語  
何似庭前托鉢僧

以蜜和米麪作餌爲拒  
收正月元日以相饋

聽韓生說武宗平話

敬皇有道繼唐堯莫把丹朱擬聖朝興邸一龍飛九五

依然玉樹變簫韶

侯園觀家樂童子乞詩

擊楫中流萬里風先生愛唱大江東於今竄入笙歌隊  
羣少驚看一老翁

夕陽

客居門外俯長河  
鱗舫紛紛聚散多  
惟有夕陽流不盡  
人間鐵石也消磨

題王阮亭治春詞後

揚州恨血地全遮  
復有笙歌蓋土花  
賺得聰明王十一  
春詞賦就起悲笳

莒州

鳴鞭早過莒城西平野霜花翦更齊卻笑寒雞當曉默  
日高空補數行啼

聽西陽土司陽卿正經琴詩

囊琴襍被到門齊一曲絲桐遠鼓鼙彈罷不禁鄉淚落  
西陽更在楚雲西

千里無煙楚蜀同劫灰何處問焦桐異鄉邂逅相憐極  
各有孤兒伴老翁

張徑蓬蒿迴未迷開琴翦燭紙窗西峽雲散盡湘煙冷  
惟有孤猿夜半啼

握手臨歧囑賞音相逢涕淚亦何心  
南薰忽逐悽風斷怕見孤臣有賜琴

但說知音我卽悲君王親與作鍾期  
人琴不是尋常痛再鼓高山也是癡

錦衣操縵盛顏歡奕葉君恩況世官  
十一年來行路遍始知蜀道不曾難

見說成都昔拜郎總戎卿月有輝光  
殘生何似吞聲去世上逢人盡杳茫

題鄭肯厓先生漁舟圖率成四絕並志感贈

漁父從來勝屈平離騷那及權歌聲  
笑余頭白鍾山下

不辨滄浪濁與清

君家名士本樵漁

鄭樵字漁仲  
借意及之

夾漈才多好著書何似

先生三十首自歌自舞自軒渠

匿跡他鄉四十春桃源洞口見漁人洞中雞犬全無有

愧把題詩當款賓

鄭莊兄弟滄浪後

謂亡友爾  
忠爾孝

久作山陽笛裏悲何處與

君重話舊釣魚舟上最相宜

今夜

蕭寺孤燈雨滴苔老夫一出旋歸來呼兒且莫忙沽酒

今夜懷人不舉杯

梅花

數尺霜根幾載移一尊深賞向南枝平生只是知慙愧  
逢著梅花不作詩

乙巳八月十六夜

中秋節後何妨雨臥聽蕭蕭掩竹關記得月明潮欲上  
去年今夜在焦山

題朱林修塵外樓圖

芳草無邊似綠江高樓臨眺客心降向東一面尤奇絕  
盡放鍾山入小窗

贈內弟王雪洲太史

憶昔扁舟去國時蕭蕭雨鬢已成絲君今年少稱詞伯  
不問吾衰衰可知

龔宗伯座中贈優人扮虞姬絕句

年少當場秋思深座中楚客最知音八千子弟封侯去  
惟有虞兮不負心

秦郵旅夜李鏡月閔賓連載酒

客舍寒多苦夜長故人攜酒問風霜淮南列郡如碁布  
惟有秦郵是醉鄉

寶應阻冰

透骨奇寒一夜生孤舟歲晚不勝情北風吹老黃河凍



言  
遂有歸人冰上行

再客戲東鈍人

再客淮南事益非長河冰凍阻南歸一窗寒日營何事  
老眼穿鍼補破衣

淮陰送別徐松之

秀州分手楚州逢兩地同聽古寺鐘可笑淹畱余失策  
翻疑君去太匆匆

宜陵別蔣前民

東皋三月感相依垂老飄蓬計盡非今日臨歧方自笑  
半尊殘酒送君歸

送龔孝升至燕子磯

送客停橈傍釣磯  
江風初起浪花稀  
一行霜雁沙頭宿  
畱待孤帆出浦飛

青眼相看世所稀  
辭君此地轉依依  
長江南岸青山下  
翻送居人策蹇歸

江干欲別更維舟  
沽酒斜陽好滯畱  
直上燕磯高處望  
青山白雪是神州

今年貧口號計二十四首

呱呱聲裏奪兒牀  
赤地無門豈弄璋  
縱使他年飛食肉  
也愁隣母話爺娘

舉子未及三朝而撒賣其牀  
載寢以門扇鄰母見之而笑

饑來嚙盡子卿膾豈料鄉親遠惠然一飯相畱難忍笑

看君咀嚼葉龍泉

親家故人子汪芾厥至以葉水心集質錢飯之

炎威無計出蓬門那得朝餐與夕殮穉子默然吾獨愧

始知交謫反爲恩

絕糧之日家人胥譏而幼女慧黠獨無一語

書幣當年不返茶空瓶十口厭陶家滹沱麥飢饑時味

豈讓珠泉煮建茶

尚有錫茶瓶大小十枚家人悉以換麥

不知鮑叔在比鄰數語無多便寫真翻是褒揚成毒罵

此時喚我讀書人

差役紛然惴惴恐及而總甲牛姓者獨過門不入或詰之牛君曰此宋旣

無五尺之童終日見他著兒子上街賣書賣家伙度日且聞其人不曾生發只曉得看看書尋他作業我是以

不往

囊無餘粟竈無烟天下文章絕可憐若向此時知痛癢  
惟有五百青銅錢有持五百文請予文者自矜曰我爐  
黃錢也余笑之因記昔年楊龍友請  
予爲作其季子傳肅衣冠以五十金潤筆而茅止生來  
索觀予文猶嗤曰龍友小樣不知文章痛癢以今論之  
知痛癢者莫如持五百  
文者矣何則當厄故

亂世金蘭結苦因俱貧不是一般貧憑誰寄語陶元亮

更有門前乞食人元亮先生歸來屢空而杜子當  
飢熱無告時猶不免厚顏噫

罡風橫掃北山薇典盡衣裳到敝帷不獨腐儒朝得飽

也教白鳥夜無饑無所不典矣僅絺帳飄蕭有離  
別可憐之色吾何計畱之哉

窮名赫赫流方外開士雙雙到竹邊解下杖頭無一事

觀余醉飽當參禪離念問旭二詩僧攜杖頭  
過草堂云欲觀先生一飽

千里交情寄縻絲殷懃押字復題詩忙投質庫旋償債

不記匆匆過眼時

施愚山自山左以一蘭貽余前後兩書一詩極贊其妙且囑余製一袍余

自入手啟封即付質庫今夏徑從質庫轉付債主矣蓋未及再見也

敢道蒼天理不通張郎豪富李郎窮主人自愛真魚目

莫把玼珠誤惱公

隣友入幕驟富因歎吾友紀伯紫以百倍之才十年之工而不如也僕之

窮宜哉

舟楫鹽梅事可歎匏瓜何幸比蒸餛第嫌格裏規模大

何不將伊破格看

以書干鄧太史爲覓一館穀地太史覽書畢笑曰有此大餛首無此大蒸

格噫事不諧矣

悲君弗克見星行如滌山川共此情雲勢南來應得雨

爲誰散作北風聲

聞知已龔先生丁內艱南歸有日矣乃復不果嗚呼我則使然與

遠遊十口但飢寒何事柴門片片殘白粲烏薪收拾好

明朝再說不相干

柴門

海月江煙豈療饑飛仙何日不攢眉一時輸與村郎俏

積穀稱金便是詩

客有誦孝升飲菊谿紫苔軒歌中句云于皇詩是飛仙人海月江煙供咳

唾于歎息不已

萬古聲華劫一灰班揚屈宋總堪哀先生盛氣爭何事

待我明朝飯飽來

朝不食夕不食此何時也或過而有所爭論不知余尙不辨東西南北邊

知所謂壇坫者哉笑而謝之

節序驚秋月又圓傷心卻不爲三餐黃塵白髮他鄉夢

血淚青蔬慈母看

中元祭先慈竭奔走之力才得蔬核四器而已自傷無狀至此猶吾大夫

崔子也

飢來但喫梅花片寒至惟燒黃熟香彩筆一枝書數卷

何人信道是空腸

煙爨不興然王果青貽嶺南黃熟香胡靜夫貽六安梅花片皆絕品也又

先是紀伯紫貽湖毫一管身在

三物閒強坐繙書不覺失笑

分金甯與索逋期接跡隨肩事亦奇賴是故人情意到

濟叔濟余一金而索一金之逋者至

不曾輕輕一毫釐

馬通堆裏豈梁園白首傷君不憚煩苦硬故人教餓殺

逢胡元韻談次書感

黃金只用買諛言

多亂餘生重苦饑途窮過豈在相知惟應卻恨江頭別

一日懷君賦一詩

奉懷孝升

中秋無食戶雙扃叩戶爲誰柳敬亭亟送酒錢仍送酒

直教明夜也休醒

中秋日一粥閉門睡矣忽聞呼門聲乃柳叟敬亭走力送酒并蜻蛚一千

想外格外感而有紀

封題凜凜太周詳醉後重看笑一場多少同人稱厚道

來侔未免詈商鞅

中秋明日几上再見敬亭來札封函下方有八字云來人受賞我就天誅

始悟昨者平頭逃去之故不覺與客大笑又成一絕

滕閣風高望又孤應逢相識問窮途江陵老子如今在

只是臺城一餓夫

姜真源自江右陞任山左冀得過秣陵則一救也而不至因憶向與真源

論張太岳相業真源以經世許余今何如哉



詩九

黃岡沈自中校

變雅堂遺集

詩十

黃岡杜濬

七言絕句

攝山游詩

有引

余客金陵游棲霞次日事也遲至廿年晚矣賴天氣晴  
和游侶不雜生平遭際以此爲幸願以悼念仲兒心創  
未復不耐營度作記又不耐深思作五言古詩惟七言  
絕句差可任意拈弄往返得如千首挂漏眇小不足以  
辱山靈蓋聊紀時地而已其游以戊戌十一月初六日  
往以初九日返何其速歟抑有說歟同游爲王子于一

蔣子前民兄弟周子貞棲家兄方朔兒子世農共七人  
出太平門

冬日游山賴好晴棲霞今始快生平太平門外青霄下  
不落淒風葉一聲

道中見棲霞

短日寒天漸欲紅攝山純紫夕陽中山靈頓覺相親近

不與江天過眼同

前此江行  
每見峯背

目極危巒日下春茅君廟裏幾株松心知不及中峰宿  
今夜猶聞寺外鐘

梁武疑冢

當年蕭衍已成塵  
疑冢虛傳欲亂真  
莫道蹇驢無氣象  
何如石馬立荆榛

般若臺

臺甚荒落

僧叩僧扉扉易開  
誰知般若竟非臺  
嶺頭葉盡天空闊  
獨倚山窗看雁來

佛殿

大樹風多葉盡飄  
莊嚴猶自見前朝  
黑頭江令殘碑在  
不記君王舊姓蕭

紫峰閣

一閣窗收四面峰  
何峰不削紫芙蓉  
夜來更不妨明月

言一  
影裏鬚眉盡是松

閣前月臺

看于一  
埽除

糞埽堆中積玉墀  
看君下第若風馳  
月明只得今宵看  
定有癡人笑爾癡

遺谷

山裏尋山山更清  
尙嫌遺谷未遺名  
老僧不作閒功課  
槌磬一聲幽鳥鳴

千佛巖

巖石遍琢  
龕像可恨

石骨參差本絕奇  
最宜殘照與初曦  
如來恨殺風癩漢  
多少山瘡不可醫

桃花澗

林中豈有桃根在橋下流泉也不聞老衲多談全盛日  
青苔石上坐斜曛

同前民坐月峰頭

竟日躋攀賞不稀邀看重上坐相依無因卻說茫茫恨  
月色鐘聲共翠微

白雲庵

松篁自結一幽蹊積葉柴門咫尺迷我記白雲庵去處  
過山又過小橋西

霞髓

石在中峰半道余以爲  
棲霞一山之髓故名

峰腰一石碧雲幢霞髓標題竟少雙楚客以茲爲絕頂  
游人於此見長江

山下

中峰左折暢經行山下看山眼更明煙壑霜林當夕照  
偏因來晚見冬晴

游此山者  
例以秋

礪邊

紅葉無風猶著樹青松媚日自生煙鐘聲出塢清如水  
早有幽人立礪邊

松蘿

松枝自結  
其圓如規

松蘿不識誰規製似是蒼天手結成深入林中矜一見

忍教聞著斧斤聲

白鹿泉

萬壑枯時獨此泉  
支筇能不受涓涓  
夜深一線流孤月  
落石穿林去杳然

伽藍

金繩覺路市塵遙  
步履何因意未消  
聞道伽藍收靳尚  
世尊應不讀離騷

夕陽

憑高恰遇夕陽還  
盡見山前山後山  
身在山中能幾日  
轉憐飛鳥向人閒



則吾庵

亂石下谿如飲馬  
喬松攬漢似游龍  
折入僧庵迷出路  
有門通被竹陰封

與庵僧

仲冬幾日山中住  
白石青松好負暄  
削盡柔芳存老氣  
此時方不似名園

總持不是無風韻  
四到棲霞盡是冬  
解愛嚴枯人有幾  
殘鐙古佛若爲容

眞山沒處著工夫  
石瀨霞紋盡畫圖  
但問天台雙行者

家家茗帚不曾無

只是勸  
他掃地

與山別

朗如秋霽無殘暑  
妍似春空絕細絲  
莫笑來游頭半白  
好山須作廿年期

好山輕別費沈吟  
不是尋常去住心  
人恨來遲吾恨早  
地爐雪片此中深

歸路月

五日游成霽有餘  
纖塵略不到衣裾  
歸來山月慇懃送  
霜影猶銜紫翠虛

山游歸寓同諸子到門喜緯之忽至

無爾山行念不休  
柴門同到似同游  
開樽卻話山中事

徑欲禁當九月愁

九月失仲兒

書僧簔

盧能惠遠一齊刪  
撞罷齋鐘便是閒  
好住不須多蓄積  
於今戎馬到深山

詩十

黃岡沈自申校

變雅堂詩文集久無善本今惟永康胡月樵都轉所編盛行於世而義例歧舛編次凌亂讀者病之歲癸巳自申讀書黃州之竹樓晤陶君月舫語及此謂宜稍加刪正以廣其傳月舫則力贊其事因益謀諸殷君東平甘君月樵爲正其體例刊其譌誤釐詩爲十卷文爲八卷其增錄二卷則仍都轉之舊而又加益焉嗚虬先生之奇節懿行後之讀其書者皆當藏弄葆貴傳之無窮若遂聽其泛濫凌雜區區之隱則未能一日以安至於鉤甄參定竭蹶補苴則皆諸君之力自申固未敢自以爲功也光緒甲午秋仲黃岡後學沈自申敬跋